

〔唐〕王

維撰

〔清〕趙殿成箋注

王右丞集箋注

下

中華書局

王右丞集箋注下

〔唐〕王維撰

〔清〕趙殿成箋注



中華書局

王右丞集卷之十六

賦表八首

白鸚鵡賦

若夫名依西域。族本南海。同朱喙之清音。變綠衣於素彩。於一作而。惟茲鳥之可貴。諒其美之

斯在。鳥。文苑英華作禽。爾其入翫於人。見珍奇質。狎蘭房之妖女。去桂林之雲日。易喬枝以羅袖。

代危巢以瓊室。兩以字。文苑英華俱作子。慕侶方遠。依人永畢。託言語而雖通。顧形影而非匹。而。唐文粹作之。經

過珠網。出入金鋪。單鳴無應。隻影長孤。偶白鸚於池側。對皓鶴於庭隅。愁混色而難辨。

願知名而自呼。願。文苑英華作每。明心有識。懷思無極。無。文苑英華作何。芳樹絕想。雕梁撫翼。時嘵花而不

言。每投人以方息。慧性孤稟。雅容非飾。含火德之明輝。被金方之正色。至如海燕呈瑞。

有玉筐之可依。筐。文苑英華作筥。唐文粹作篋。山雞學舞。向寶鏡而知歸。寶。文苑英華作瑤。皆羽毛之偉麗。奉日月之

光輝。羽毛。文苑英華作毛羽。豈憐茲鳥。地遠形微。色凌紈質。彩奪繒衣。深籠久閉。喬木長違。閉一作閑。非。

儻見借其羽翼。與遷鶯而共飛。其文苑英華作于。

白鸚鵡 初學記。廣州記曰。根杜出五色鸚鵡。會見其白者。大如母雞。南方異物志曰。鸚鵡有三種。一種青。大如鳥。一種白。大如鸚鵡。一種五色。大如青者。交州。巴南盡有之。凡鳥四指。三向前。一向後。此鳥兩指向

後。桂海虞衡志。白鸚鵡大如小鷄。亦能言。羽毛玉雪。以手撫之。有粉粘着指掌。如蛺蝶翅。 **西域** 禰衡鸚鵡賦。惟西域之靈鳥。挺自然之奇姿。李善註。西域。謂隴坻。出此鳥也。 **南海** 史記始皇本紀。略取陸梁

地。為桂林、象郡、南海。杜氏通典。南海。今南海、始興、義寧、海豐、恩平、南陵、臨賀、高要、感義、晉康、臨封、開陽、高涼、連城、新興、銅陵、懷德等郡是。 **蘭房** 宋玉諷賦。乃更于蘭房芝室。止臣其中。 **桂林** 漢書

地理志。鬱林郡。故秦桂林郡。屬尉陀。武帝元鼎六年開。更名。杜氏通典。桂林。今始安、平樂、蒙山、開江、潯江、蒼梧、臨江、鬱林、平尋、安城、賀水、常林、象郡、龍城、融水、朗寧、懷澤、寧浦、橫山、修德、龍池、永定等郡是。 **依**

人。庾信詩。愛靜魚爭樂。依人鳥入懷。 **珠網** 江淹詩。結眉向珠網。滙思視青苔。玉融詩。雕雲度綺錢。香風入珠網。 **金鋪** 長門賦。擠玉戶以撼金鋪。呂延濟註。金鋪。屏上有金花。花中作鈕。以貫鎖。左思蜀

都賦。金鋪交映。劉涓林註。金鋪。門鋪首以金為之。額會。鋪。說文。著門鋪首也。從金甫聲。增韻。所以銜環者。作龜蛇之形。以銅為之。故曰金鋪。 **白鸚** 張華禽經註。白鸚。似山雞而色白。 **皓鶴** 謝惠

賦。皓鶴奪鮮。 **投人** 晉書載記。鳥雀投人。尚宜濟免。 **火德** 禰衡鸚鵡賦。體金精之妙質。含火德之明輝。李善註。西方為金。毛有也。質寄于西。故云體金精也。朱鳥。南方火也。鳥皆稟之。故云含火德也。 **玉筐** 宋書符瑞志。高辛氏之世。妃曰簡狄。以春分玄鳥至之日。從帝祀郊

覆以玉筐。簡狄先得而吞之。遂孕。胸剖而生契。 **山雞** 異苑。山雞愛其毛羽。映水則舞。魏武時。南方獻之。帝欲其鳴舞。而無中。公子蒼舒令置大鏡其前。雞鑿形而舞不知止。遂乏死。 **遷鶯** 本小雅出谷遷喬義。

然詩人是泛指凡鳥而言。後人多作鶯事使。所未詳也。

成按。文苑英華載白鸚鵡賦凡三首。第一即右丞作。第二不著姓氏。第三郝名遠作。皆于題下註云。以容日上節孤飛色媚為韻。而本集無之。又第一、第二並止賦五韻。缺餘三韻。豈當時之制。雖限八韻。亦聽士子為盈縮耶。

賀古樂器表

臣維言。伏見今月七日。中書門下敕牒。道士申太芝奏稱。伏奉恩旨。令臣往名山修功德。去載六月二十日。於南海葛洪居處。至誠祈請。中夜恍惚見一老人。云是茅山羅浮神人。常於七曜洞來往。昔曾九疑山於桂陽石室中藏天樂一部。歲月久遠。變爲五野豬。彼郡百姓捉獲。汝可往取獻皇帝。每祈祭。但依方安置奏之。卽五音自和。天仙百神。應聲降福。所求必遂。壽命延長。臣奉神言。卽往桂陽尋問百姓。云。天寶二載。村人常見有五野豬。逐之便走入石室。就裏尋覓。化爲石物五枚。衆共驚異。臣取以扣之。音律相和。與神人言不異。今將奉進者。臣聞陰陽不測之謂神。變化無方之謂聖。惟神與聖。感而遂通。伏惟開元天寶聖文武應道皇帝陛下。居皇建之極中。得混成之大道。奉先天之聖祖。玄化協於無爲。育率土之羣生。至仁侔於陰隲。然猶精意不倦。聖祀逾崇。遍禮羣仙。思祐九服。故得龐眉皓髮。遙同入昴之人。眞訣玄言。來告馭風之客。棲身七曜。以俟唐堯。藏樂九疑。不傳虞舜。留茲石室。思獻玉墀。憑野豕以呈形。表洞仙之屬意。且神物思變。古亦有之。

龍躍平津。實爲寶劍。鳧飛葉縣。空餘素履。器非上品。人纔下仙。猶能精誠聿修。神變浚若。況殊庭致貺。天老効祥。願授至尊。以享上帝。亦旣考擊。動諧律呂。詔濩慚其九奏。雲咸失其八音。翠鳳入于洞簫。殊非雅韻。朱鷺傳于鼗鼓。敢比仙聲。天地同和。神祇降福。無窮之壽。永撫寶圖。無疆之休。以康庶績。實由至德斯感。大道玄通。神人親告於休徵。靈仙不祕其空樂。稽之古昔。實未見聞。臣等限以留司。不獲隨例抃舞。不任踴躍喜慶之至。

敕牒

唐六典。凡上之所以達下。其制有六。曰制。敕。冊。令。教。符。凡下之所以達上。其制亦有六。曰表。狀。箋。啓。辭。牒。李林甫註。天子曰制。曰敕。曰冊。皇太子曰令。親王公主曰教。尙書省下於州。州下於縣。縣下於鄉。皆曰符。

表上於天子。其近臣亦爲狀。牒。啓于皇太子。然于其長亦爲之。非公文所施。九品已上公文皆曰牒。庶人曰辭。

申太芝 神仙彙紀。申太芝字元芝。洛陽人。其母楊。夢吞芝而孕。故名。與玄宗同日生。稍長。去家學道。嘗遊南嶽。至祝融峯頂。遇真人授金丹火龍之術。遂能乘虛。玄宗感夢。以像求得之。召至京師。命住玄真觀。神遊隱顯。出入不可測。開元中。中秋夜。與玄宗同遊月宮。過一大門。在玉光中。見宮榜曰廣寒清虛之府。守門兵衛甚設。太芝引帝躍

起烟霧上。俯視玉城。嵯峨若萬頃琉璃田。仙人道士。乘雲駕鶴。往來其間。下見素娥十餘。皓衣乘白鸞。笑舞於廣庭大樹下。樂音清麗。帝歸。因製霓裳羽衣之曲。天寶初。奉詔祭羅浮山。訪尋朱明洞。道遇異人。告以天樂甚異。後應安

祿山之亂。即所奏于凝碧池頭者。太芝道術最高。醮祭輒動風雨。所著有服食要訣。葛洪居處 廣東志。羅浮山朱明洞前有沖虛觀。

世稱天師。又曰仙翁。後坐妖妄伏誅。道流謂爲兵解。競傳在大余湖山白晝沖舉云。葛洪居處 廣東志。羅浮山朱

即都虛觀故址。晉咸和中。葛洪于此煉丹。以從學者衆。乃于此置四庵。山南曰都虛。又曰茅山 太平寰宇記。茅山在昇州句容縣南五

玄虛。又改名沖虛。至唐朝天寶初。置守祠十家。仍度道士。賜額。內有葛洪祠。葛洪丹竈。茅山 太平寰宇記。茅山在昇州句容縣南五

十里。本句曲山。其山形如勾字三曲。晉茅山君得道于此。後人遂名爲茅山。其山接句容、金壇、延陵三縣界。

羅浮

藝文類聚。羅浮山記曰。羅浮者。蓋總稱焉。羅山也。浮山也。二山合體。謂之羅浮。在增城、博羅

二縣之境。舊說羅浮高三千丈。有七十石室。七十二長溪。神明神禽。玉樹朱草。太平寰宇記。羅浮山本名蓬萊山。一峰在海中。與羅山合體。因名之。山有洞。通句曲。又有璇房瑤室七十二所。裴淵廣州記云。羅浮二山隱天。唯石

樓一路可登。謝靈運羅浮山賦序。客夜夢見延陵茅山在京之東南。明且得洞經所。載羅浮山事云。茅山是洞庭口。南通羅浮。正與夢中意相會。遂感而作羅浮山賦。

九疑山

方輿勝覽。九疑山在道州寧遠縣南六十里。亦

名蒼梧山。九峰相似。望而疑之。謂之九疑山。有九峰。峰各有一水。四水流灌於南海。五水北注。合爲洞庭。其一曰朱明峰。其下湘水源。二曰石城峰。其下沱水源。女冠魯妙典所居。三曰石樓峰。其下巽水源。四曰娥皇峰。其下池水

源。五曰舜源峰。其下瀑水源。亦曰華蓋。此峰最高。六曰女英峰。其下餘水源。七曰籀詔峰。其下澗水源。八曰桂林峰。其下湫水源。九曰梓林峰。其下瀉水源。

桂陽石室

唐書地理志。郴州桂陽郡。屬江南西道。

方輿勝覽。道州有高士巖。在舜祠西二里間。舊名野豬巖。邱順請欽若改曰高士巖。昔有獵者。見羣豕。逐入巖不見。因得樂器一部。無爲觀道士以獻之朝。事見唐王維賀表。

尊號

歐陽修唐書本紀。天寶七載五月壬午。羣

臣上尊號曰開元天寶。皇建。書洪範。五皇極。皇建其有極。孔安國傳。混成。老子。有物混成。先天地生。寂兮

可以爲天下母。吾不知其名。字之曰道。強爲之名曰大。聖祖。唐會要。乾封元年三月二十日。追尊老君爲太上玄元

河上公註。謂道無形。混沌而成萬物。乃在天地之前。聖祖。皇帝。至永昌元年。却稱老君。神龍元年二月四日。依

舊號太上玄元皇帝。天寶二年正月十五日。加號太上玄元皇帝爲大聖祖玄元皇帝。八載閏六月。元化。張華詩。先王

十五日。加號爲大聖祖大道玄元皇帝。十三載二月七日。加號大聖高上大道金闕玄元皇帝。元化。統大業。元化

漸八。陰隲。書洪範。惟天陰隲下民。孔安國傳。龐眉皓髮。後漢書劉寵傳。山陰縣有五六老叟。龐眉皓髮。自若邪

入昂。見十一卷。馭風。莊子。列子御風而行。冷然。龍躍平津。晉書。初吳之未滅也。斗牛之間。常有紫氣。道術者皆

曰。欲屈君為宰。密共尋之。可乎。煥許之。華大喜。即補煥為豐城令。煥到縣。掘獄屋基。入地四丈餘。得一石函。光氣非常。中有雙劍。並刻題。一曰龍泉。一曰太阿。其夕。斗牛間氣。不復見焉。煥以南昌西山北巖下土以拭劍。光芒豔發。大益盛水。置劍其上。視之。皆精芒炫目。遣使送一劍并土與華。留一自佩。或謂煥曰。得兩送一。張公豈可欺乎。煥曰。本朝將亂。張公將受其禍。此劍當繫徐君墓樹耳。靈異之物。終當化去。不永為人服也。華得劍。寶愛之。常置坐側。華以南昌土不如華陰赤土。報煥書曰。詳觀劍文。乃干將也。莫邪何復不至。雖然。天生神物。終當合耳。因以華陰土一斤致煥。煥更以拭劍。倍益精明。華誅。失劍所在。煥卒。子華為州從事。持劍行經延平津。劍忽于腰間躍出墮水。使人沒水取之。不見劍。但見兩龍。各長數丈。蟠縈有文章。沒者懼而反。須臾。鳧飛葉縣。後漢書。王喬

顯宗世為葉令。喬有神術。每月朔望。常自縣詣臺朝。帝怪其來數。而不見車騎。密令太史伺望之。言其臨至。輒有雙鳧從東南飛來。于是候鳧至。舉羅張之。但得一隻鳧焉。乃詔上方診視。則四年中所賜尚書官履履也。殊庭

漢書郊祀志。上親禪高里。祠后土。臨勃海。將以望祀蓬萊之屬。幾至殊庭焉。師古注。殊庭。蓬萊中仙人庭也。韶濩雲咸。蔡邕獨斷。五帝三代樂之別名。黃帝曰雲門。大濩。周曰大武。殷曰九奏。初學記。凡樂作謂之奏。九奏乃終。謂之九成。孔穎達尚書正義。成。謂樂曲成也。鄭云。

八音。晉書。金石匏革絲竹土木。謂之八音。翠鳳。用列仙傳。朱鷺。陸機詩疏。楚威王時。有朱鷺合沓。寶圖。徐陵文帝登祚尊皇太子。無疆之休。商書。實萬世。庶績。虞書。庶績咸熙。休徵。出尚書洪範孔安國傳。休徵。美行之驗也。

賀玄元皇帝見真容表

臣維言。伏見中書門下奏。上黨郡奏啓聖祖大道玄元皇帝玉石真容。主上聖容。今月十五日。三元齊開光明。其日戊戌。道士陳希玉等十三人同朝禮。見內殿有光。非常照耀。及開

殿門。其光彌盛。滿堂如晝。久之方散。其時檢校官及押官等皆共瞻觀者。臣聞仙祖行化。真氣臨關。聖人降生。祥光滿室。固知仙聖必有景光。伏惟開元天地大寶聖文神武應道皇帝陛下。大道爲心。上元同體。挾風雲之質。敬想猶龍。寫日月之儀。欽承大象。仍迴舊邸。以奉清都。眞容聖容。旣明四目。照殿照室。忽類三光。藥宮自明。初謂上天無夜。桂殿如晝。還疑就日而朝。琪樹韜華。瑤池奪映。實由陛下弘敷本際。大啓玄宗。明君潤色于眞源。聖祖和光于帝載。表文明之在御。六合以清。知臨照之無疆。億載多慶。臣等限以留司。不獲隨例扑舞。無任踴躍喜慶之至。

上黨郡

唐書地理志。潞州上黨郡。屬河東道。

玉石眞容

唐會要。天寶元年正月七日。陳王府參軍田同秀上言。玄元皇帝降于丹鳳門之通衢。告賜靈符。在尹喜之故宅。上遣使就函谷故關尹喜臺而得

之。于是置玄元皇帝廟于大塲坊西南角。東都置于積善坊臨淄舊邸。廟初成。命工人于太白山砥石爲玄元皇帝聖容。又採白石爲元宗聖容。侍立于玄元皇帝之右。衣以王者袞冕之服。二三元。唐六典。齋有七齋。註云。正月十五日天官爲上元。七月十五日地官爲中元。十月十五日水官爲下元。皆法身自懺悔罪焉。

檢校官

杜氏通典。神龍二年三月。又置員外官二千餘人。于是遂有員外檢校。試攝。判。知之官。攝者言勅

攝。非州府板署之命。檢校者云。檢校某官。判官者云。判某官事。知者云。知某官事。皆是詔除。而非正命。

眞氣

水經註。老子西出關。關令尹喜候氣。知眞人將有西遊者。遇老子。強令之著書。耳不得已。爲著道德二經。

祥光

宋書符瑞志。光武皇帝父爲濟陽令。濟陽有武帝行宮。常封閉。哀帝建平元年十一月甲子夜。光武將產。乃開而居之。時有赤光。室中盡明。皇考異焉。南史。宋高祖武皇帝諱裕。字德輿。以晉哀帝興寧元年歲在癸亥。

三月壬寅夜生。神光照室盡明。宋世祖孝武皇帝諱駿。字休龍。文帝第二子也。元嘉七年八月庚午夜生。有光。猶龍史記。

光。照室。魏書。高祖孝文皇帝諱宏。獻文皇帝之太子也。皇興元年八月戊申。生于平城紫宮。神光照室。孔子謂弟子曰。鳥。吾知其能飛。魚。吾知其能遊。獸。吾知其能走。走者可以為網。遊者可為綸。飛者可以為矰。至于龍。吾不能知其乘風雲而上天。吾今日見老子。其猶龍乎。

清都。列子。王實以為清都紫微。鈞天廣樂。帝之。藥宮。真靈位業圖。有太和殿。寥陽殿。藥珠宮。桂殿。沈約詩。恩暢蘭席。歡同桂殿。就日。用帝堯就之。如日事。琪樹。孫綽遊天台山賦。琪樹璀璨而垂珠。呂延濟註。琪樹。玉樹也。

瑤池。穆天子傳。天子觴西王母于瑤池之上。集仙錄。九層玄室。紫翠丹房。左帶瑤池。右環翠水。弘敷。大也。敷。布也。帝載。尚書。有能奮庸。熙帝之載。孔安國傳。載。事也。

賀神兵助取石堡城表

臣維等言。伏奉中書門下牒。伏見絳郡太平縣百姓王英杞狀稱。去載七月。於萬春鄉界。頻見聖祖。空中有言曰。我以神兵助取石堡城。當時具經郡縣陳說。並有文狀申奏。今載正月。又于舊處再見云。我昔于梓州威洞造一龕尊像。在獨坐山東北。公成山左側。年代已遠。其處傾陷。像在土中。可報吾孫。令人往取。斯乃蒼生之福。國祚無疆者。近奉進止。差直省往彼求覓。昨見梓潼郡奏稱。去年某月二十六日。郡縣官吏并道士、父老、百姓等一千餘人。與直省李萬德依此尋求。其日諸山盡皆晴朗。惟公成山上雲霧暗合。遍尋不知所在。遂結壇齋戒。祈請經宿。至二十七日辰時。有五色雲見于霧合之處。遂即分人子細

尋覓。乃見山半腹有少土傾處。其上竹樹。非常蒙密。并見一石角出土一寸。便穿掘深三尺已來。乃是一石竈。竈中有尊像一。左右真人六。并師子、崑崙各二。遂以水洗沃。儀相儼然。事實吐符。並如真誥。其石竈重大。非人力所能運轉。今于竈上造屋宇。便差精誠道士三人。專修香火供養。謹畫圖奉進者。臣聞玄德升聞。與至降監。必錫靈貺。彰厥有成。不祕祥符。昭其克享。伏惟開元天地大寶聖文神武應道皇帝陛下。以道理國。以奇用兵。先天而法自然。終日不離輜重。故得仙君居九霄之上。屢降中州。聖祖在千古之前。還臨後葉。視之不見者今見。聽之不聞者今聞。仍敕神兵。以助王旅。天丁力士。潛結鸛鶴。星劍雲旗。暗充貔虎。遂殲逆命之虜。果屠難拔之城。加以言必有徵。德無不報。指尊像之所在。爲寶祚之休徵。周流六虛。言于晉而驗于蜀。混成一氣。出于有而入于無。未達齋心。初迷三里之霧。旣符真氣。俄成五色之雲。山腹洞開。仙容儼若。萬物今覩。千劫未逢。昔河啓綠圖。綠。顧本作錄。非是。今校正。山輸玄女。尙謂得天之助。藏爲受命之符。況真誥人聞。聖容神造。照臨下土。不住大羅之天。保祐羣生。爰啓小有之洞。實感明主縮地而來。豈比漢時乘空。

而去。元后欽崇之福。遠至邇安。聖祖昭報之心。天長地久。臣等限以留司。不獲隨例抃舞。不勝踴躍喜慶之至。

石堡城

劉昫唐書本紀。天寶八載六月。隴右節度使哥舒翰攻吐蕃石堡城。拔之。

太平縣

唐書地理志。河東道絳州絳郡。有太平縣。

獨坐山

太平寰宇記。獨坐山在梓州射洪縣東南二十五里。周回

一里。高一百丈。卓然孤峻。南枕涪。梓二水。一統志。獨坐山在射洪縣東南二十里。射洪。涪江左右合流。此山卓然孤立。故名。

崑崙

唐人多以蠻人為奴。謂之崑崙。劉昫唐書南蠻傳。自林邑以南。皆拳髮黑身。通號為崑

崑崙

謂幽潛。潛行道德。升聞天朝。遂見徵用。

以奇用兵

老子。以正治國。以奇用兵。

法自然

見十一卷註。不離輜重。老子。

重為輜重。靜為輜重。是以聖人終日行不離輜重。河上公註。輜。靜也。聖人終日行道。不離其靜與重也。離音利。

鶴鵝

左傳。丙戌與華氏戰于赭邱。鄭嗣願為鶴。其御願為鵝。杜預註。鶴鵝。皆陣名。

貔虎

勗哉夫子。尚桓桓。如虎如貔。如熊如羆。于商文。

周流六虛

借用周易繫詞句。

出有入無

孫綽遊天台山賦。騎神變之揮霍。忽出有而入無。

劫

魏書。道家稱劫數類佛經。其延康。龍漢。赤明。開皇之屬。皆其名也。及其劫終。稱天地俱壞。

綠圖

淮南子。洛出丹書。河出綠圖。高誘註。黃帝云。夢見兩龍。挺白圖即帝。以授于河之都。天老曰。天其授帝圖乎。

黃帝乃齋河洛之間。至于翠嬭泉。大盧魚折溜而至。汎白圖。爾采朱文。以授黃帝。舒受之。故曰綠圖。

玄女

桓麟西王母傳。黃帝討蚩尤之暴。威所未禁。而蚩尤幻變多方。徵風召雨。吹烟噴霧。師衆大迷。帝歸息太山之阿。

昏然憂寢。王母遣使者被玄狐之裘。以符授帝曰。太一在前。天一在後。得之者勝。戰則克矣。佩符既畢。王母乃命一婦人。人首鳥身。謂帝曰。我九天玄女也。授帝以三宮五意陰陽之略。太一通甲六壬步斗之術。陰符之機。靈寶五符五勝之文。遂克蚩尤于中冀。龍魚河圖。黃帝攝政。蚩尤兄弟八十一人。並獸身人語。銅頭鐵額。食沙石。造兵仗。刀戟大弩。威震天下。誅殺無道。不仁不慈。萬民欲令黃帝行天子事。黃帝仁義。不能禁止蚩尤。遂不敵。帝仰天而嘆。天遣玄女下授兵信神符。而令制伏。

元后

元后。大君也。見大禹謨。

欽崇

商書。欽崇天道。遠至邇安。左傳。恕思以明德。則令名載而行之。是以遠至

莫。天遣玄女下授兵信神符。而令制伏。

元后

欽崇

遠至邇安。左傳。恕思以明德。則令名載而行之。是以遠至

安。天長地久。老子。天長地久。天地所以能長且久者。以其不自生。故能長生。

門下起赦書表

伏奉制書如右。好生之德。洽于人心。奉天之時。以行春令。體元作則。惟聖裁成。伏惟乾元大聖皇帝陛下。道凝庶績。功深廣運。極孝敬於至誠。致雍和於允穆。狹其祝網。陋彼畫衣。寧失不經。況乎輕繫。大赦戮餘之罪。益寬流宥之典。人謂無冤。何如捨而不問。殺而有禮。豈若至于無刑。加以親減庶羞。無祭肺之膳。下除冗食。贍餬口之人。買櫝設。藏彼無歸之骨。歲取畝收。本乎盍徹之稅。巨猾止于一惡。貧人免于十夫。思折券者。寬其暴征。嘗書勳者。貫其宿負。道德齊禮。成其有恥之心。悔咎思愆。開其自新之路。道之一變。將使比屋可封。守在四夷。庶夫外戶不閉。風俗忠厚。禮讓興行。六府孔修。萬代永賴。臣等忝居門下。不任鳧藻抃躍之至。

赦書 唐書肅宗本紀。上元元年三月丙子。降死罪。流以下原之。二年正月甲寅。降死罪。流以下原之。 好生 虞書大禹謨。好生之德。洽于民心。 春令 月令。仲春之月。命有司省囹圄。去桎梏。毋肆掠。

止獄 體元 東都賦。體元立制。繼天而作。杜預左傳註。凡人君即位。欲其體元以居正。 尊號 唐書肅宗本紀。乾元二年正月己巳。羣臣上尊號曰乾元大聖皇帝。當是闕文。

雍和

後漢書后紀述敘平生。雍和終日。

允穆

南史陳武帝紀。百揆時序。四門允穆。

畫衣

漢書刑法志。有虞氏之時。畫衣冠。異章服。以為戮。而民弗犯。

不經

虞書。與其殺不辜。寧失不經。

經。孔安國傳。寧失不常之罪。不枉不辜之善。

流宥

虞書。流宥五刑。孔安國傳。宥。寬也。以流放之法寬五刑。

無刑

虞書。刑期于無刑。民協于中。

庶羞

周禮。羞用百二十品。鄭康成註。羞。出於牲及禽獸。以備滋味。謂之庶羞。公食大夫禮。內則。下大夫十六。上大夫二十。其物數備焉。天子諸侯有其數。而物未得盡聞。史記。口甘五味。為之庶羞。酸鹹以致其美。曹子建詩。樂飲過三爵。綏帶傾庶羞。李周翰註。庶羞。衆味也。

祭肺

禮記。歲凶。年穀不登。君膳不祭肺。鄭康成註。禮。食殺牲則祭先。有虞氏以首。夏后氏以心。殷人以肝。周人以肺。不祭肺。則不殺也。

餽口

左傳。而使餽其口于四方。孔穎達正義。說文云。餽。寄食也。以此傳言餽口四方。故以寄食言之。昭七年傳云。餽于是。饗于是。以餽余口。釋言云。餽。餽也。則餽是饗別名。今人以薄糲塗物謂之餽紙。餽帛。則餽者以饗食口之名。故云餽其口也。

巨猾

東京賦。巨猾。巨猾間也。則餽是饗別名。今人以薄糲塗物謂之餽紙。餽帛。則餽者以饗食口之名。故云餽其口也。

十夫

南史。郭原平父亡。自賣十夫。以供衆費。葬畢。詣所買主執役無懈。與諸奴分務。讓逸取勞。主人不忍使。每遣之。原平服勤。未嘗暫替。吳達之嫂亡無以葬。自賣為十夫客。以營家棹。

守在

四夷

淮南子。天子得道。守在四夷。

外戶不閉

禮運。故外戶而不閉。是謂大同。孔穎達正義。外戶者。扉從外闔也。不閉者。不用關閉之也。重門擊柝。本禦暴客。既無盜竊亂賊。則戶無俟于閉也。但為風塵

入寢。故設扉耳。無所捍拒。故從外而掩也。

六府

虞書。水火金土木穀惟修。六府三事允治。萬世永賴。時乃功。

鳧藻

後漢書杜詩傳。將相和睦。士卒鳧藻。章懷太子註。言其和睦歡悅。如鳧之戲于水藻也。顏延年詩。鳧藻馳目成。呂延濟註。如鳧鳥得水草。歡躍而進也。庾信賀平鄴都表。臣忝竊榮幸。蒞政東藩。不獲躬到闕庭。預觀大慶。不勝鳧藻踴躍之至。

謝除太子中允表

臣維稽首言。伏奉某月日制。除臣太子中允。詔出宸衷。恩過望表。捧戴惶懼。不知所裁。臣聞食君之祿。死君之難。當逆胡干紀。上皇出宮。臣進不得從行。退不能自殺。情雖可

察。罪不容誅。伏惟光天文武至聖皇帝陛下。孝德動天。聖功冠古。復宗社於墜地。救塗炭於橫流。少康不及君親。光武出于支庶。今上皇返正。陛下御乾。歷數前王。曾無比德。萬靈抃躍。六合歡康。仍開祝網之恩。免臣釁鼓之戮。投書削罪。端袵立朝。穢汗殘骸。死滅餘氣。伏謁明主。豈不自愧于心。仰廁羣臣。亦復何施其面。跼天內省。無地自容。且政化之源。刑賞爲急。陷身凶虜。尙沐官榮。陳力興王。將何寵異。況臣夙有誠願。伏願陛下中興。逆賊殄滅。臣卽出家修道。極其精勤。庶裨萬一。頃者身方待罪。國未書刑。若慕龍象之儔。是避魍魅之地。所以鉗口。不敢萌心。今聖澤含弘。天波昭洗。朝容罪人食祿。必招屈法之嫌。臣得奉佛報恩。自寬不死之痛。謹詣銀臺門冒死陳請以聞。無任惶恐戰越之至。

太子中允

唐書百官志。太子中允二人。正五品下。

不知所裁

陸機謝平原內史表。拜授祗竦。不知所裁。李周翰註。裁。制也。

尊號

唐書肅宗本紀。乾元元年正月戊寅。上皇天帝御宣政殿。

授皇帝傳國受命寶符冊。號曰光天文武大聖孝感皇帝。**橫流**傅亮修張良廟教。夷項定漢。大呂向註。橫流。謂亂也。**少康**左傳。昔有過澆殺斟灌以伐斟鄩。滅夏后康焉。爲仍牧正。恭澆能戒之。澆使椒求之。逃奔有虞。爲之庖正。以除其害。虞思于是妻之以二姚。呂諸綸。有田一成。有衆一旅。能布其德。而兆其謀。以收夏衆。撫其官職。使女艾諜澆。使季杼誘豷。遂滅過戈。復禹之績。祀夏配

天。不失

光武

後漢書。世祖光武皇帝。高祖九世之孫也。出自景帝。生長沙定王發。發生春陵節侯買。買生鬱林太守外。外生鉅鹿都尉回。回生南頓令欽。欽生光武。

萬靈

封禪書。其後黃帝接萬靈明庭。

覺鼓

左傳。君之惠。不以曩巨覺鼓。杜預註。殺人以血塗鼓。謂之覺鼓。

跼天

陸機謝平原內史表。跼天踏地。若無所容。劉良註。跼。曲也。

興王

南史。運屬興王。依光日月。

龍象

大般若經。

是諸菩薩行深般若波羅蜜多。是人中龍象。翻譯名義。摩訶那伽大論云。那伽或名龍。或名象。是五千阿羅漢。諸羅漢中最大力。以是故言如龍如象。水行中龍力最大。陸行中象力最大。

魑魅

左傳。舜臣堯。賓于四

裔。遠也。放之四遠。使當魑魅之災。魑魅。山林異氣所生。為人害者。杜預註。

鉗口

淮南子。鉗口而不言。委心而不用。陸機謝平原內史表。鉗口結舌。不敢上訴。

天波

陸機謝平原內史表。塵洗天波。謗絕衆口。張銑註。天波。喻天子恩澤。

屈法

邱遲與陳伯之書。主上屈法申恩。吞舟是漏。

銀臺門

按唐大明宮圖有左銀臺門。右銀臺門。

謝集賢學士表

朝議大夫試太子中允臣維稽首言。伏奉今月十八日敕。令臣充集賢殿學士。擢及無能。恩加非望。抃躍慙懼。不知所裁。且謂之集賢。非賢莫集。固當宣其五德。列在四科。逃聽衆推。方紆聖鑒。臣抽毫作賦。非古詩之流。挾策讀書。無專經之業。伏惟陛下。文思超前哲。之後。書契踰畫卦之君。龜圖不能比其詞。龍甲不足究其義。聞相如在蜀。畏不同時。徵枚乘于齊。惜其已老。急賢之旨。欲賜追鋒。如臣不才。豈宜濫吹。將何以編次漆簡。刊定石經。東堂賦詩。將招不成之罰。北面待詔。必無善對之才。以榮爲憂。席寵知懼。無任感恩。

踴躍戰越之至。謹詣延英門陳謝以聞。

集賢學士

唐六典。集賢院學士掌刊輯古今之經籍。以辨明邦國之大典。而備顧問應對。凡天下圖書之遺逸。賢才之隱滯。則承旨而徵求焉。其有籌策之可施于時。著述之可行于代者。較其才藝。考其學術。而申表之。

凡承旨撰集文章。校理經籍。月終則進課于內。歲終則考最于外。唐書百官志。開元十三年。改麗正修書院為集賢殿書院。五品以上為學士。六品以下為直學士。朝議大夫。唐六典。凡敘階二十有九。正五品下曰朝

議大夫。註云。漢班儀。大夫以上。得奉朝議。則其義也。隋文帝置朝議大夫。為從三品散官。五德。新論。五德者。智信仁勇嚴也。四科。後漢書方術傳。才兼四科。行包九德。漢

士四科。其一曰德行高妙。志節清白。二曰經明行修。能任博士。三曰明曉法律。足以決疑。能案章覆問。才任御史。四曰剛毅多略。遭事不惑。明足照奸。勇足決斷。才任三輔令。皆有孝弟清公之行。自今以後。審四科辟召。逃

聽。司馬相如封禪書。舉邇者踵武。逃聽者風聲。徐廣註。逃。速也。古詩之流。班孟堅。西都賦序。賦者古詩之流也。李善註。毛詩序曰。詩有六義。二曰賦。故賦為古詩之流。挾策讀書。莊

問。感奚事。則專經。南史王儉傳。宋孝武好文。天下悉以文采相尚。莫以專經為業。文思。尚書堯典。欽明文思。孔穎達正義。鄭玄云。經緯天地謂之文。慮深通敏謂之思。畫卦。禮含

伏義德洽上下。始畫八卦。三皇本紀。太皞庖犧氏始畫八卦。龜圖。龍魚河圖。堯時與羣臣賢智。到豸媯之川。大龜負圖來投堯。堯敕臣下寫取告瑞符應。寫畢。龜

還水。龍甲。尚書中候。堯時龍馬銜甲。赤文綠色。臨壇上。甲似龜。廣袤九尺。圓理平上。五色文。有列星之分。斗政之度。帝王錄紀之數。相如。見八卷長卿註中。枚乘。漢書。枚乘。淮陰人也。

武帝自為太子。聞乘名。及即位。乘年老。乃以安車蒲輪徵乘。道死。追鋒。裴松之三國志註。傅暢督諸公贊曰。帝常與中護軍司馬望。侍中王沈。散騎常侍裴秀。黃門侍郎鍾會等。講宴于東堂。并屬文論名。秀為儒林丈

人。沈為文籍先生。望會亦各有名號。帝性急。請召欲速。秀等在內職。到濫吹。江淹詩。更以畏友朋。濫吹乖名得及時。以望在外。特給追鋒車。虎賁卒五人。每有集會。望輒奔馳而至。濫吹。李善註。韓子曰。齊王使人吹

竽。南郭處士請為王吹竽。粟食與三百人等。宣王死。文主即位。漆簡。晉書。太康二年。汲郡人不準盜發魏襄王墓。一一聽之。處士乃逃。或云韓昭侯嚴使一一聽之。乃知濫也。